



## **Die XVII. Maji Festum S. Paschalis Baylon, Confessoris non Pontificis**

**Paderbornæ, ca. 1784**

Die XVII. Maji Festum S. Paschalis Baylon, Confessoris non Pontificis.  
Duplex minus. Ex Decreto Urbis et Orbis Ss. PP. Pii VI. de 13. April 1784.  
hac die celebrandum, translato Festo S. Ubaldi Ep. ...

---

[urn:nbn:de:hbz:466:1-60394](https://nbn-resolving.org/urn:nbn:de:hbz:466:1-60394)

DIE XVII. MAJI  
FESTUM  
S. PASCHALIS BAYLON,  
Confessoris non Pontificis.

Duplex minus.

*Ex Decreto Urbis et Orbis Ss. PP. Pii VI.  
de 13. April 1784. hac die celebrandum, trans-  
lato Festo S. Ubaldi Ep. Cf. ad 21. Maji,  
utpote diem fixam.*

---

Omnia de Communi Conf. non Pont.  
praeter ea, quae sequuntur.

ORATIO.

Deus, qui beatum Paschalem Confesso-  
rem tuum mirifica erga Corporis, et  
Sanguinis tui sacra mysteria dilectione de-  
corasti: concede propitius; ut, quam ille  
ex hoc divino convivio spiritus percepit  
pinguedinem, eandem et nos percipere  
mereamur. Qui vivis.

IN PRIMO NOCT. Lect. de Script. occ.  
IN SECUNDO NOCT. Lect. IV.

Paschalis Baylon pauperibus piisque  
parentibus in oppido Turris formosae,  
Seguntinae Dioecesis, in Aragonia natus,  
à teneris annis plura dedit futurae sancti-  
tatis indicia. Sortitus animam bonam ac  
rerum caelestium apprimè studiosam, pue-  
ritiam,



ritiam, atque adolescentiam in gregis custodia transegit; quam ille vivendi rationem ideo praecipue diligebat, quod humilitati fovendae, ac innocentiae conservandae in primis utilem, atque opportunam judicaret. Erat in victu modicus, in oratione assiduus, tantaque apud coevos et socios florebat auctoritate et gratia, ut eorum lites componens, ignorantiam erudiens, ac desidiam excitans, velut omnium parens et magister, maximo studio coleretur, ac amaretur: Beatus etiam tum à plerisque appellatus.

℞. Honestum fecit etc.

#### *Lectio V.*

Qui verò in saeculo, terra nempe deserta et inaquosa, adeo feliciter adoleverat, flos convallium, plantatus in domo Domini, mirum ubique sparsit sanctitatis odorem. Igitur Paschalis, arrepto vitae severioris instituto, atque in Ordine Minorum strictioris Observantiae Discalceatorum cooptatus, exultavit ut gigas, ad currendam viam suam, totumque se Domino excolendum tradens, dies noctesque cogitabat, qua se ratione magis ei magisque conformaret. Ita factum est brevi, ut eum, tamquam Seraphicae perfectionis exem-



u- exemplar, ipsi quoque proveciores imi-  
o- tandum sibi proponerent. Ipse autem in  
u- humili servientium gradu constitutus, se,  
n- velut omnium peripséma reputans, ardua  
m quæque et abjecta domus ministeria, ve-  
a- luti jure quodam peculiari sibi debita,  
et summa cum hilaritate suscipiebat, et ex-  
ut ercebat humilitate, ac patientia pari. Car-  
u- nem spiritui quandoque reluctari nitentem  
m jugi maceratione afflictauit, atque in  
e- servitutem redegit; spiritum verò assidua  
e- sui abnegatione ferventiorum in dies ad  
anteriora extendebat. *Br.* Amavit eum etc.

### *Lectio VI.*

r- Deiparam Virginem, cujus clientelæ  
t, se ab ineunte ætate dicaverat, tamquam  
u- matrem quotidianis colebat obsequiis, at-  
o- que filiâli exorabat fiducia. Porro erga  
e- sanctissimum Eucharistiæ Sacramentum,  
n- difficilè dictu est, quam ardenti teneretur  
n- devotionis affectu; quem defunctus etiam  
n- in cadavere retinere visus est, dum jacens  
o- in feretro, ad sacræ hostiæ elevationem  
u- bis oculos reseravit, et clausit, magna  
i- omnium, qui aderant, admiratione. Ejus-  
e- dem veritatem inter hæreticos publicè pa-  
t- lamque professus, multa et gravia ob  
is eam causam perpessus est, crebrò etiam  
n- ad



ad necem petitus, sed singulari Dei providentia impiorum manibus ereptus. Sæpe inter orandum omnibus destituebatur sensibus, dulcique languebat amoris deliquio: quo tempore cælestem illam scientiam hausisse creditus est, qua homo rudis, et illitteratus de mysteriis Fidei difficillimis respondere, atque aliquot etiam libros conscribere potuit. Denique meritis plenus, eadem, qua prædixerat, hora, feliciter migravit ad Dominum, anno salutis millesimo quingentesimo nonagesimo secundo, sexto decimo Kalendas Junii, eodem, quo natus fuerat, festo Pentecostes recurrente, annum agens secundum supra quinquagesimum. Quibus aliisque virtutibus insignem, ac miraculis tam in vita, quam post mortem clarum, Paulus Quintus Pontifex maximus illum Beatum appellavit: Alexander autem Octavus Sanctorum catalogo adscripsit. *R.* Iste homo etc.

IN III. NOCT. Homil. in Evang. Sint lumbi, ex Comm. Conf. non Pont. *1<sup>mo</sup>* loco.

MISSA: Os justii, ex eod. Comm. Conf. non Pont. præter or. ppr.

*Cum permissu Superiorum.*

---

Paderbornæ, typis et sumpt. J. W. Junfermann.